

اتوار 16 فروری، 2020

مضمون۔ جان

سنہری متن: مرقس 12 باب 30 آیت

”پہلا حکم ایہہ اے پئی توں خداوند اپنے رب نوں اپنے سارے دل تے اپنے ساری جان تے اپنی ساری سیان تے اپنی ساری طاقت نال محبت کر۔“

جوابی پڑھائی: زبور 84: 5، 2، 7، 9، 11، 12 آیتاں

2۔ میری جان خداوند دیاں بارگاہواں دی مشتاق بلکہ گداز ہو چلی۔ میرا دل تے میرا بدن زندہ رب لئی خوشی نال لکار دے نیں۔

5۔ دھن اے اوہ بندہ جیدی قوت تیتھوں اے۔ جیدے دل وچ صیہون دیاں راہواں نیں۔

7۔ اوہ طاقت اُتے طاقت پاوندے نیں۔ اوہناں وچوں ہر اک صیہون وچ خداوند دے حضور حاضر ہندا اے۔

9۔ اے رب! اے ساڈی سپر! ویکھ تے اپنے مسوح دے گھڑے اُتے نظر کر۔

11- کیوں بے خداوند رب آفتاب تے سپر اے۔ خداوند فضل تے جلال بخشے گا۔ اوہ راست رو توں کوئی نعمت باز نہ رکھے گا۔

12- اے لشکراں دے خداوند! دھن اے اوہ بندہ جیدا بھروسہ تیرے اُتے اے۔

درسی وعظ

بائبل وچوں

1- یسعیاہ 55 باب 3، 6، 7 آیتاں

3- کن لاوتے میرے کول آو و سنوتے تہاڈی جان زندہ رہوے گی تے میں تہانوں ابدی عہد یعنی داؤدویاں سچیاں نعمتاں بخشاں گا۔

6- جد تیکر خداوند مل سکد اے اوہدے طالب ہوو۔ جد تیکر اوہ نیسٹے اے اوہنوں پکارو۔

7- شریر اپنی راہنوں جھڈ دیوے تے بدکار اپنے خیالاں نون تے اوہ خداوند ول پھرے تے اوہ اوہدے اُتے رحم کرے گاتے ساڈے خداوند ول کیوں بے اوہ کثرت نال معاف کرے گا۔

2- امثال 29 باب 25، 26 آیات

25- انسان داڈر پھندا اے پر جو کوئی خداوند اُتے بھروسہ کر دا اے محفوظ رہوے گا۔

26- حاکم دی مہربانی دے طالب بوہت نیں پر انسان دا فیصلہ خداوند ولوں اے۔

3- پیدائش 27 باب 41 آیت

41- تے عیسو نے یعقوب نال اوس برکت دے پاروں جیہڑی اوہدے پیونے اوہنوں بخششی بریائی رکھی تے
عیسو نے اپنے دل وچ آکھیا پئی میرے پیو دے وین دے دن نیسڑے نیں۔ فیر میں اپنے بھرا یعقوب نوں مار
دیواں گا۔

4- پیدائش 32 باب 21 (توں:)، 3، 6، 7، (توں:)، 9، 10 (توں پہلا:)، 11، 24، 31 آیات

- 1- تے یعقوب نے وی اپنی راہ لئی تے رب دے فرشتے اوہنوں ملے۔
- 2- تے یعقوب نے اوہناں نوں ویکھ کے آکھیا پئی ایہہ رب دا لشکر اے تے اوس تھاں داناں منایم رکھیا۔
- 3- تے یعقوب نے اپنے آگے آگے قاصداں نوں ادم دے ملک وچ جیہڑا شعیر دی دھرتی اُتے اے اپنے بھرا
عیسو دے کول گھلیا۔

6- ایس لئی قاصد یعقوب دے کول مڑ کے آئے تے آکھن لگے پئی اسی تیرے بھرا عیسو دے کول گئے سی۔ اوہ چار سو بندیاں نوں نال لے کے تینوں ملن نوں آون دیاے۔

7- فیر یعقوب بوہت ڈر گیا تے پریشان ہو گیا۔

9- تے یعقوب نے آکھیا اے میرے پیو ابرہام دے رب تے میرے پیو اسحاق دے رب! اے خداوند جنھے مینوں ایہہ فرمایا پئی توں اپنے ملک نوں اپنے رشتے داراں دے کول مڑ جاتے میں تیرے نال بھلیائی کر اں گا۔

10- میں تیریاں ساریاں رحمتاں تے وفاداری دے مقابلے وچ جیہڑیاں توں اپنے بندے دے نال برتیاں نیں بالکل ہیچ واں۔

11- میں تیری منت کرداں واں پئی مینوں میرے بھرا عیسو دے ہتھوں بچالے کیوں جے میں اوہدے توں ڈر داواں پئی کیتے اوہ آکے مینوں تے بچیاں نوں ماں سننے مار نہ دیوے۔

24- تے یعقوب گلارہ گیا تے پو پھٹن دے ویلے تیکر اک بندہ اوہ تھے اوہدے نال کشتی لڑدار ہنیا۔

25- اوہنے ویکھیا پئی اوہ اوہدے اُتے غالب نیں ہندا تے اوہدی ران نوں اندر ولوں چھو گیا تے یعقوب دی ران دی نس اوہدے نال کشتی کرن نال چڑھ گئی۔

26- تے اوہنے آکھیا مینوں جان دے کیوں جے پو پھٹ چلی۔ یعقوب نے آکھیا پئی جد تیکر توں مینوں برکت نہ دیویں میں تینوں جان نیں دواں گا۔

27- فیر اوہنے اوہنوں پوچھیا پئی تیرا کیہ نال اے؟ اوہنے جواب دتا یعقوب۔

28- اوہنے آکھیا پئی تیرا نال اگے توں یعقوب نیں بلکہ اسرائیل ہووے گا کیوں جے توں رب تے بندیاں دے نال زور آزمائی کیتی تے غالب ہو گیا۔

29- فیر یعقوب نے اوہنوں آکھیا پئی میں تیری منت کرداں واں توں مینوں اپنا ناں دس دے۔ اوہنے آکھیا پئی توں میرا ناں کیوں پوچھداں ایس؟ تے اوہنے اوہنوں او تھے برکت دتی۔

30- تے یعقوب نے اوس تھاں داناں فنی ایل رکھیاتے آکھیا پئی میں رب نوں روبرو دیکھیاتے فیر وی میری جان بچی رئی۔

31- تے جدوں وہ فنی ایل وچوں لنگن دیا سی تے سورج نکل پیا تے اوہ اپنی ران توں لنگڑا وندا سی۔

5- پیدائش 33 باب 1 (توں پہلا)، 4 آیتاں

1- تے یعقوب نے اپنیاں اکھیاں چک کے نظر کیتی تے کیہ دیکھدا اے پئی عیسو چار سو بندیاں نوں نال لے کے ٹریا آ وندا اے۔

4- تے عیسو اوہنوں ملن لئی بچھیاتے اوہنوں گلے ملیا تیا وہنوں گلے لاکے چو میاتے اوہ دونوں روئے۔

6- 2 تواریخ 7 باب 14 آیت

14- فیر بے میرے لوک جیہڑے میرے ناں توں اکھواندے نیں خاکسار بن کے دعا کرن تے مینوں دیکھن دے طالب ہوون تے اپنیاں بُریاں راہواں توں پھرن تے میں آسمان اتوں سن کے اوہناں دا پاپ معاف کراں گاتے اوہناں دے ملک نوں بحال کراں گا۔

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیریں نال بنیاں۔

7- گلتوں 5 باب 2 (توں دو جا)، 5، 7، 10، 13، 14 آیتاں

2- ویکھ میں پولس تہانوں آکھداواں

5- کیوں جے اسی روح دے پاروں ایمان نال راستبازی دی آس پوری ہوون دی اڈیک کردے آں۔

7- تسی تے چنگی طراں بچھن دے سی۔ کنسے تہانوں حق نوں من توں روک دیتا؟

8- ایہہ ترغیب تہاڈے سدن والے ولوں نئیں اے۔

9- تھوڑا جیا خمیر سارے گونے ہوئے آٹے نوں خمیر کردیندا اے۔

10- مینوون خداوند وچ تہاڈے تے بھروسہ اے پئی تسی ہور طراں دا خیال نئیں کرو گے پر جیہڑا تہانوں گھبرا

دیندا اے اوہ بھانویں کوئی ہووے سزا پاوے گا۔

13- اے بھراو! تسی آزادی لئی سدے تے گئے اوپر اتنجنہ ہووے پئی اوہ آزادی بدنی گلاں دا موقع بنے بلکہ

محبت دی راہ نال اک دو جے دی خدمت کرو۔

14- کیوں جے ساری شریعت اُتے اک ای گل نال عمل ہو جاندا اے یعنی ایہدے نال پئی توں اپنے گوانڈی

نوں اپنے وانگر محبت کر۔

8- 1 کرنتھیوں 1 باب 1 (توں دو جا)، 3، 5، 10، 26، 29، 31 آیتاں

- 1- پولس جیہڑا رب دی مرضی نال یسوع مسیح دار رسول ہوون لئی سدیا گیا۔
- 3- ساڈے پیورب تے خداوند یسوع مسیح ولوں تہانوں فضل تے سکون حاصل ہندار ہوے۔
- 4- میں تہاڈے بارے رب دے اوس فضل دے پاروں جیہڑا مسیح یسوع وچ تہاڈے اُتے ہو یا ہمیشہ اپنے رب دا شکر کرداواں۔
- 5- پئی تسی اوہدے وچ ہو کے ساریاں گلاں وچ کلام تے علم دی ہر طراں دولت توں دو لتمد ہو گئے او۔
- 10- ہن اے بھراو! یسوع مسیح جیہڑا ساڈا خداوند اے اوہدے نال دے پاروں میں تہانوں درخواست کردا واں پئی سارے اک ای گل آکھوتے تہاڈے وچ لڑائی جھگڑے نہ ہوون بلکہ آپس وچ اک دل تے پیار محبت نال رہندیاں ہو یاں کامل بنے رہو۔
- 26- اے بھراو! اپنے سدے جاوون اُتے تے نظر کرو پئی بدن دے لحاظ نال بوہت سارے حکیم۔ بوہت اختیار والے۔ بوہت سارے اشراف نہیں سدے گئے۔
- 29- تاں جو کوئی انسان رب دے سامنے فخر نہ کرے۔
- 30- پئی تسی اوہدے ولوں مسیح یسوع وچ او جیہڑا ساڈے لئی رب ولوں حکمت ٹھہر یا یعنی راستبازی تے پاکیزگی تے مخلصی۔
- 31- تاں جو جیویں لکھیا اے اونج ای ہووے پئی جیہڑا فخر کرے اوہ رب اُتے فخر کرے۔

سائنس تے صحت

1- 12:58 صرف

جان وچ اخلاقی آزادی اے۔

2- 26-22:477

جند مادا، حیاتی، انسان دی ذہانت اے، جیدی انفرادیت ہندی اے پر مادے وچ نہیں۔ جند روح توں گھٹ کسے
شے دا پر چھانوواں نہیں بن سکدی۔

انسان روح دا اظہار اے۔

3- 9-13:70

سوالات ایہہ نیں: رب دی پہچان کیہ اے؟ جان کیہ اے؟ کیہ حیاتی یا جان بنائی گئی شے وچ موجود ہندی
اے؟

کچھ وی اصلی تے ابدی نہیں اے، کچھ وی روح نہیں اے، سوائے رب تے اوہدے خیال دے۔ بدی وچ کوئی اصلیت نہیں اے۔ ایہہ نہ تے کوئی بندہ، تھاں تے نہ ای کوئی شے اے، بلکہ صرف اک عقیدہ، مادی جس دا اک وہم اے۔

ساری حقیقت دی پچھان یا خیال ہمیشہ جاری رہندا اے؛ پر روح یا ساریاں دا الٰہی اصول، روح دیاں بناوٹاں نہیں نیں۔ جان روح، رب، خالق، حکمران محدود شکل توں باہر لا محدود اصول دے اُلٹ اے، جیہڑا صرف عکس دی تشکیل کردا اے۔

4- 300:23 صرف، 31-4

روح رب تے جان اے ایسے لئی جان مادے وچ نہیں ہندی۔۔۔ رب صرف اوہدے وچ ظاہر ہندا اے جیہڑا حیاتی، سچائی تے محبت دی عکاسی کردا اے، ہاں، جیہڑا رب دیاں خوبیاں تے قدرت نوں ظاہر کردا اے، جیویں پئی انسانی صورت شیشے وچ دکھالی دیندی اے، شیشے دے سامنے کھلوتے بندے دے رنگ، شکل تے حرکتاں نوں دوہرا دیندی اے۔

5- 308:14-28

روح توں بھرے بزرگاں نے سچائی دی آواز سنی، تے اوہناں نے رب دے نال او سے طراں ای گل کیتی
جیویں انسان انساناں دے نال گل کرداے۔

یعقوب کلا غلطی نال لڑن دیا سی، حیاتی، مواد تے ذہانت دی فانی حس دی نال کوشش کرن دیا سی، جیویں پئی
ایہہ سارے مادے دے نال ایہدی چھوٹھی تسکین تے تکلیف دے نال موجود ہندے نیں، جدوں اک
فرشتہ، سچائی تے محبت ولوں اک سنیہا، اوہدے اُتے ظاہر ہوئی تے اوہنے اوہنوں، یا اوہدی طاقت نوں یا اپنی
غلطی نوں ماریا، جد تیکر پئی اوہنے ایہدی غیر حقیقت نوں نہ دیکھیا، تے او تھے ادراک وچ آوندیاں
ہوئیاں، سچائی نے الہی سائنس دے ایس فنی ایل وچ اوہنوں روحانی طاقت بخشی۔ فیر روحانی مبشرنی
آکھیا: ”مینوں جاون دے پئی صبح ہو چلی،“ یعنی تیتھے سچائی تے محبت دی لو پوے۔ پر پودا دانے، اوہدی غلطی
نوں سمجھدیاں ہوئیاں تے اوہدی مدد دی لوڑ نوں جاندیاں ہوئیاں ایس جلالی چانن اُتے اوہدی گرفت نوں
ڈھیلا نئیں کیتا جد تیکر پئی اوہدی فطرت بدل نہ گئی۔

6- 12-7:309

ایس لئی یعقوب دی کوشش دا نتیجہ نکلیا۔ اوہنے روح تے روحانی قوت دے فہم دے نال مادی غلطی نوں جتیا۔
اوہنے اوس بندے نوں بدل کے رکھ دتا۔ اوہنوں فیر یعقوب نہ آکھیا گیا، بلکہ اسرائیل، رب دا شہزادہ، یارب دا
سپاہی آکھیا گیا جسے چنگی لڑائی لڑی سی۔

7- 32-28:481

جان انسان والہی اصول اے تے ایہہ کدی پاپ نہیں کردی، ایس لئی جان لافانی اے۔ سائنس وچ اسی سکھدے آں پئی ایہہ مادی فہم اے نہ پئی جان اے جیہڑی پاپ کردی اے تے ایہہ ویکھیا جاوے گا پئی ایہہ پاپ دا فہم ای ہند اے جیہڑا گواچ جاندا اے نہ پئی پاپ آلود جان۔

8- 12-6:482

جتنے معبود دے معنی مطلوب ہوون او تھے لفظ جان دا مناسب استعمال صرف لفظ رب دے نال تبادلہ کرن نال ای کیتا جاسکدا اے۔ دو بے معاملات وچ، فہم دالفظ ورتیئے تے تہانوں ایسا سائنسی مفہوم ملے گا۔ جیویں پئی کر سچن سائنس وچ ورتیا گیا اے، جان روح یارب لئی مناسب آلٹ الفاظ نیں؛ پر سائنس دے علاوہ، جان فہم دے نال مادی احساس دے نال تعلق رکھدی اے۔

9- 24-20:89

روح یعنی رب نوں تہ سنیا جاندا اے جدوں حساں چپ ہوون۔ جو کجھ اسی کردے آں اسی سارے اوہدے توں ودھ کرن دے قابل واں۔ روح داکم یا اثر آزادی دیندا اے، جیہڑی تخفیف دا مظہر تے غیر تربیت یافتہ بلیاں دی گرم جوشی نوں واضح کردی اے۔

10- 20-10:273

الہی سائنس مادی حساں دی جھوٹی گواہی نوں بدل دیندی اے تے ایخ غلطی دیاں نیماں نوں توڑ دیندی اے۔
ایس لئی سائنس تے حساں وچ ویرتے حساں دی غلطیاں پاروں کامل سمجھ نوں حاصل کرن دے ناممکنات
نوں مکا دیندے نیں۔

مادے دے بس ناں دے قانون تے طبی سائنس نے کدی انسان نوں مکمل، ہم آہنگ تے لافانی نہیں بنایا۔
انسان اوہدوں ہم آہنگ ہندا اے جدوں روح دی نگرانی وچ ہندا اے۔ ایسے طراں ہستی دی سچائی نوں
سمجھن دی اہمیت اے، جیہڑی روحانی وجودیت دے اصولاں نوں ظاہر کردی اے۔

11- 24-19:323

جدوں کوئی بیمار یا پاپی اپنی اوس لوڑ لئی بیدار ہندے نیں جیدے لئی اوہ کدی نہیں ہوئے تے اوہ الہی سائنس
دے من والے ہوون گے، جیہڑی جان ول تے مادی فہم توں کھچ پیدا کردی اے، بدن توں خیالاں نوں
مٹاوندی اے تے ایہوں تیکر پئی مادی سیان نوں وی بیماری یا پاپ توں کسے چنگی شے دے تصور لئی اچا کردی
اے۔

12- 11-4:390

اسی ایہدے توں انکار نہیں کر سکدے پئی حیاتی خود پرور اے، تے ساہنوں روح دے ہمیشہ والی ہم آہنگی توں انکار نہیں کرنا چاہیدا، کیوں جے، ظاہری احساساں وچ اختلاف ہندا اے۔ ایہہ رب، الہی اصول، توں ساڈی ناواقفیت اے جیہڑی ظاہری اختلاف نوں جنم دیندی اے، تے ایہدے بارے چنگی سوچ ہم آہنگی نوں بحال کر دی اے۔ سچائی تفصیل وچ ساہنوں مجبور کرے گی پئی اسی سارے خوشیاں تے دکھاں دے فہم داحیاتی دیاں خوشیاں دے نال تبادلہ کرے۔

13-3:322 -13

جدوں مادی توں روحانی بنیاداں اُتے حیاتی تے ذہانت دا فہم اپنا نقطہ نظر بدل جاندا اے، تے ساہنوں حیاتی دی اصلیت ملے گی، یعنی فہم اُتے روحانی قابو، تے اسی مسیحیت یا سچائی نوں ایہدے الہی اصول وچ پانواں گے۔ کسے ہم آہنگ تے فانی انسان دے حاصل ہوون تے اوہدیاں قابلیتاں دے اظہار توں پہلے ایہہ اک نقطہ نظر ہونا چاہیدا اے۔ الہی سائنس دی بچھان ہوون توں پہلے ایس وڈے کم دی تکمیل نوں دیکھدیاں ہوئیاں، الہی اصول نال اپنے خیالاں نوں ہٹانا بوہت اہم اے، تاں جو محدود عقیدے نوں اوہدی غلطی توں دستبردار ہوون لئی تیار کیتا جاسکے۔

20-2:125 -14

انسانی بدن وچ نامیاتی تے باضابطہ صحت لئی جنہوں ہن چنگی حالت سمجھیا جاوند اے شاید اوہ صحت لئی ہوور ضروری نہ رہوے۔ اخلاقی حالتاں ہمیشہ صحت افزاء تے ہم آہنگ پائیاں جاوندیاں نیں۔ نہ نامیاتی غیر فعالی نہ فعالی رب دے اختیار توں باہر اے؛ تے بدلے ہوئے فانی خیال لئی انسان فطری تے قدرتی پایا جاوے گا، تے ایسے لئی اوہ اپنی حالت توں بوہت اپنے اظہار وچ ہم آہنگ ہووے گا اوہ حالت جو انسانی عقیدے نے بنائی تے اوہدی منظوری دتی۔

تاں جو انسانی سوچ شعوری پیڑ تے بے آرامی، خوشی تے غمی، ڈرتوں آس تے ایمان توں فہم دے اک مرحلے توں دو بے وچ بدل دی ریندی اے، ایس لئی ظاہری اظہار آخر کار انسان اُتے جان دی حکمرانی ہووے گا نہ پئی مادی فہم دی حکمرانی ہووے گا۔ رب دی حکمرانی دی عکاسی کردیاں ہوئیاں، انسان اپنے آپ تے حکمران اے۔ صحت دے بارے ساڈے مادی نظریاتاں نوں بے قیمت ثابت کردیاں ہوئیاں جدوں انسان الہی روح دے ہو جاوند اے تے موت یا پاپ دے اختیار وچ نہیں ہو سکدا۔

15 - 3-1:590

آسمان دی بادشاہی۔ الہی سائنس وچ ہم آہنگی دی سلطنت۔ غلطی نہ کرن والے دی ریاست، ابدی تے قادر مطلق سیان، روح داما حول، جیتھے جان اعلیٰ اے۔

روزانہ دے فرض

میری بیکرا ایڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنوں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں
اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔